

## AUGLÝSING

### um staðfestingu félagsmálaráðuneytisins á skjaldarmerki Akureyrar.

Með skírskotun til 4. gr. sveitarstjórnarlaga nr. 8/1986 tilkynnist hér með að félagsmálaráðuneytið hefur í dag staðfest samþykkt bæjarstjórnar Akureyrar frá 29. ágúst 1987 um skjaldarmerki Akureyrar.

Samþykkt bæjarstjórnar Akureyrar er svohljóðandi:

#### 1. gr.

Skjaldarmerki Akureyrar skal vera blár (Panton process blue) skjöldur með hvítum fugli. Á bringu fuglsins er skjöldur markaður með kornknippi. Blái liturinn er litur himinsins og fjarlæggra fjalla, kornknippið tákn nafnsins Akureyri en fuglinn tengdur frásögn Heimskringlu um landvættir. Haraldur Gormsson konungur bauð kunnugum manni að fara í hamförum til Íslands. Sá fór í hvalslíki. Er hann fór inn eftir Eyjafirði kom á móti honum fugl svo mikill, að vængirnir tóku út fjöllin tveggja vegna, og fjöldi annarra fugla, bæði stórir og smáir.



#### 2. gr.

Notkun á skjaldarmerki Akureyrar er óheimil án leyfis bæjarstjórnar Akureyrar, sbr. 37. gr. laga nr. 56/1978. Ekki er heimilt að breyta út af samþykkttri gerð merkisins, sbr. meðfylgjandi teikningu, nema í sérstakri háttíðarútgáfu og í svart-hvítri útgáfu.

#### 3. gr.

Í háttíðarútgáfu merkisins eru tunga, klær og skjöldur á bringu fuglsins í rauðum lit (Panton warm red), en goggur, fætur og kornknippi í gulum lit (Panton 123). Háttíðarútgáfu skjaldarmerkisins má aðeins nota þar sem merkið stendur eitt og sér, t.d. á fánum, skjöldum og barmmerkjum.

#### 4. gr.

Svart-hvíta útgáfu skjaldarmerkisins má einungis nota við bóka- og blaðaprent og er hún heimil án sérstaks leyfis. Í svart-hvítri útgáfu er blár flötur táknadur með láréttum línunum, en rauður litur með lóðréttum línunum.

*Félagsmálaráðuneytið, 26. október 1987.*

**Jóhanna Sigurðardóttir.**

*Pórhildur Lindal.*